



**UNIVERSITI TEKNOLOGI MARA**

---

## **PEKELILING PENDAFTAR**

---

**Bilangan 18 Tahun 2022**

### **TAWARAN CUTI BELAJAR BERGAJI PENUH DENGAN BIASISWA DAN TANPA BIASISWA (TAJAJAN YURAN PENGAJIAN SAHAJA) KEPADA PENOLONG PENSYARAH UiTM BAGI MENGIKUTI PENGAJIAN SESI TAHUN 2022: PERINGKAT IJAZAH SARJANA MUDA**

#### **1.0 TUJUAN**

- 1.1 Pekeliling ini bertujuan mempelawa staf dari Kumpulan Penolong Pensyarah Universiti Teknologi MARA (Gred 29 hingga Gred 40) yang memenuhi syarat-syarat kelayakan untuk memohon Cuti Belajar Bergaji Penuh Dengan Biasiswa atau Cuti Belajar Bergaji Penuh Tanpa Biasiswa (Dengan Tajaan Yuran Pengajian) bagi mengikuti pengajian di peringkat Ijazah Sarjana Muda sesi pengajian tahun 2022.
- 1.2 Staf yang berkelayakan untuk mengikuti pengajian di peringkat Ijazah Sarjana Muda hendaklah mempunyai pengetahuan, kemahiran, pengalaman, minat dan perwatakan atau sikap yang sesuai bagi menentukan kejayaan dalam pengajian dan seterusnya berupaya memberi sumbangan ke arah meningkatkan keberkesanan perkhidmatan dan organisasi.

#### **2.0 LATAR BELAKANG**

- 2.1 Mesyuarat Majlis Sumber Manusia (MSM) Bil. 67/2022 pada 13 Mei 2022 telah bersetuju dengan cadangan tawaran Kemudahan Cuti Belajar Bergaji Penuh

Dengan Biasiswa dan Tanpa Biasiswa (Dengan Tajaan Yuran Pengajian) bagi peringkat Ijazah Sarjana Muda kepada Penolong Pensyarah.

- 2.2 Mesyuarat Jawatankuasa Induk Peningkatan Kerjaya Sumber Manusia (JKI-PKSM) Bil. 50/2022 pada 21 April 2022 telah meluluskan tawaran Cuti Belajar Bergaji Penuh Dengan dan Tanpa Biasiswa (Dengan Tajaan Yuran Pengajian) bagi peringkat Ijazah Sarjana Muda kepada Penolong Pensyarah dengan syarat permohonan seperti yang ditetapkan.

### 3.0 SYARAT PERMOHONAN

3.1 Staf yang layak memohon hendaklah memenuhi syarat-syarat berikut:

- i. Warganegara Malaysia;
- ii. Berjawatan tetap;
- iii. Telah disahkan dalam perkhidmatan semasa memohon;
- iv. Telah memenuhi genap tiga (3) tahun perkhidmatan dengan UiTM dalam lantikan tetap;
- v. Berumur tidak lebih daripada 45 tahun pada tarikh iklan ditutup;
- vi. Bebas daripada tempoh tindakan tatatertib;
- vii. Penilaian Prestasi Tahunan adalah:
  - a) minimum 90% untuk tempoh tiga (3) tahun terkini dan berturut-turut (kelayakan dengan biasiswa); atau
  - b) minimum 85% untuk tempoh tiga (3) tahun terkini dan berturut-turut (kelayakan tanpa biasiswa dengan tajaan yuran pengajian sahaja)
- viii. Penerima Anugerah Perkhidmatan Cemerlang sekurang-kurangnya sekali sepanjang tempoh perkhidmatan di UiTM;
- ix. Telah mengisytiharkan harta mengikut peraturan yang sedang berkuat kuasa; dan
- x. Mempunyai kelayakan Diploma yang berkaitan (ditetapkan oleh Universiti) dengan CGPA 3.00 dan ke atas atau yang setaraf dengannya dan memenuhi syarat-syarat kemasukan yang ditetapkan mengikut program yang dipohon.

- 3.2 Permohonan daripada staf yang telah memiliki kelayakan di peringkat yang sama tanpa mengira bidang pengkhususan tidak akan dipertimbangkan.
- 3.3 Permohonan daripada staf yang telah memiliki kelayakan di peringkat yang lebih tinggi daripada peringkat yang dipohon tanpa mengira bidang pengkhususan tidak akan dipertimbangkan.
- 3.4 Pemohon mestilah tidak pernah menerima biasiswa ini bagi peringkat pengajian yang dipohon.
- 3.5 Pemohon mestilah bebas daripada senarai hitam peminjam PTPTN.
- 3.6 Tempoh pengajian dan cuti belajar adalah tertakluk kepada pelan pengajian dan keputusan Universiti.
- 3.7 Kursus yang diikuti mestilah berkaitan dengan tugas hakiki pemohon dan bertujuan untuk kepentingan perkhidmatan.
- 3.8 Tempat pengajian adalah di UiTM sahaja.
- 3.9 Calon yang memohon hendaklah memenuhi syarat-syarat kemasukan ke UiTM bagi program Sarjana Muda yang akan diikuti.

#### **4.0 TATACARA PERMOHONAN**

- 4.1 Tatacara permohonan adalah seperti berikut:
  - i. Permohonan hendaklah dibuat secara dalam talian mulai **27 Jun 2022** melalui sistem e-Biasiswa Pelaksana dengan melayari laman web rasmi UiTM di <http://www.uitm.edu.my> dan seterusnya mendaftar (Login ID) di Portal i-Staf.
  - ii. Permohonan yang tidak melalui e-Biasiswa Pelaksana tidak akan diproses.

iii. Permohonan yang tidak menepati syarat-syarat yang ditetapkan, mengandungi maklumat yang tidak benar serta tidak lengkap tidak akan dipertimbangkan.

iv. Tarikh tutup permohonan adalah pada **08 Julai 2022 jam 5.00 petang**.

4.2 Garis masa permohonan adalah seperti berikut:-

| <b>Bil.</b> | <b>Tarikh</b>                               | <b>Perkara/ Aktiviti</b>   | <b>Tindakan</b>   |
|-------------|---|--|---|
| i.          | <b>27.06.2022</b>                           | Pekeliling Pendaftar Bil. 18 Tahun 2022 dikeluarkan.   | Calon memahami syarat-syarat dan tatacara permohonan serta membuat persediaan.  |
| ii.         | <b>27.06.2022<br/>hingga<br/>08.07.2022</b> | a. Calon membuat permohonan melalui e-Biasiswa Pelaksana.<br>b. Semakan dan perakuan sokongan oleh PTJ melalui e-Biasiswa Pelaksana. | a. Calon melengkapkan permohonan di sistem e-Biasiswa Pelaksana.<br>b. PTJ membuat semakan dan perakuan pada permohonan calon melalui e-Biasiswa Pelaksana.   |
| iii.        | <b>08.07.2022</b>                           | Tarikh tutup permohonan.   | Permohonan yang tidak lengkap termasuk yang tidak mendapat perakuan sokongan PTJ selepas tarikh tutup permohonan tidak akan diproses ke peringkat seterusnya. |

4.3 Pemohon yang disenarai pendek akan dipanggil untuk sesi temu duga oleh Bahagian Kemajuan Kerjaya.

4.4 Keputusan permohonan adalah di bawah kuasa Jawatankuasa Induk Peningkatan Kerjaya Sumber Manusia (JKI-PKSM), Universiti Teknologi MARA dan muktamad.

## 5.0 TARIKH DIKELUARKAN

5.1 Pekeliling dikeluarkan pada 27 Jun 2022.

## 6.0 TARIKH KUATKUASA

6.1 Pekeliling ini berkuat kuasa pada 27 Jun 2022.



**HAJI MUHAMAD NIZAM NOORDIN**

Pendaftar

Dikelilingkan Kepada:

Semua Penolong Naib Canselor  
Semua Dekan Fakulti  
Semua Rektor Kampus Negeri  
Semua Ketua Jabatan/Bahagian/Pusat/Unit

Bil. Fail : 100-BPD(PT.6/3)  
No Siri : 100-BPD(Bil.18/2022)